

蒙
古
游
牧
記

蒙古游牧記卷之十五

平定張 穆初稿

光澤何秋濤補輯

和博克薩里舊土爾扈特蒙古烏訥恩素珠克圖盟

北路游牧所在

標題秋濤
依例補

原

北路舊土爾扈特部在塔爾巴哈台城東

補註塔爾巴
哈台距京

師一萬零二百八十里補註在伊犁東北一千九百五十里新疆識畧軍臺道里表自伊犁惠遠城七十里至沙喇布拉克臺六十里至塔勒奇阿滿臺四十里至鄂博勒齊爾臺八十里至鄂勒著依圖博木臺八十里至瑚素圖布拉克臺一百二十里至托霍木圖臺一百一十里至托里臺九十里至精河臺八十里至噶順腰臺七十里至托多克臺六十里至因爾圖臺七十里至埽木達臺六十里至布爾噶濟臺七十里至庫爾喀喇烏

蘇臺八十里至奎屯臺九十里至庫爾必喇臺九十里

至沙喇烏蘇臺七十里至鄂倫布拉克臺九十里至烏

爾格圖布拉克臺一百二十里至雅瑪圖臺一百二十

里至沙喇喇魯素臺一百二十里至色特爾莫多臺一

百十里至塔爾巴哈台底臺此軍臺路程也其由喀倫

行者惠遠城二百五十里至干珠罕又一百二十里至

烏爾布喇又九十里至沁達蘭又一百四十里至阿魯

沁達蘭又一百里至莫多巴爾魯克又九十里至額爾

格圖又八十里至察罕托海又一百二十里至瑪尼圖

又一百三十里至塔爾巴哈台共一千四百三十里又

水道表舊雅爾城水凡三支分繞城東西南流注阿拉

克圖厄爾淖爾乾隆二十九年建城於雅爾三十一

移於楚呼楚為今塔爾巴哈台城故此為舊城也

西域圖志天山北路圖說曰太白山陰準夷是宅而北

境尤廣東抵阿勒坦北界俄羅斯南臨沙磧中間土地

肥腴厥名塔爾巴噶台為古匈奴烏孫交壤處唐則西

突厥諸部在焉山形水脈逶迤西走長流巨浸都在剛

巒襟帶間在時卻落錯處利賴保居金山以為屏籬水

以為池何必非形勝所憑而桀黠反覆卒就芟夷賢者

於此考五單于角逐之場稽三葛邏憑陵之跡益共仰

聖謨之運不徒誇地勢之雄若南境與迪化州

接吟斥鹵彌望畧同瀚海蓋卽唐之沙陀州云四庫全

書提要河朔訪古記二卷此書實爲納新作納新族出

西北郭囉洛因以爲民郭囉洛原作葛邏祿納新原作

迺賢今改正郭囉洛者以西域圖志攷之卽今塔爾巴

哈台也元時色目諸人散處天下故納新寓居南陽後

移於鄯縣乾隆中平定伊犁之後初次致祭塔爾巴

哈台山欽頒祝文曰惟神鍾靈西徼環鎮北庭

作屏障於龍堆抱峯巒於烏壘前者天兵薄伐旣梯棧

之無虞今茲土宇宏恢宜懷柔之福及途開九折殊方

永荷靈庥秩並三公展告聿隆祀典式彰屏靈故格匪

遙嗣復願歲春秋祭祝文曰惟神衍脈天山劾靈中土

表崇高於北徼標形勝於西陲夙稱邊塞之雄藩聳重

巒而特出永作鴻圖之拱衛環疊嶂以相維瑞霽祥氛

答四時之靈祝升香薦帛昭萬載之懷柔秋祀倏隆洪

庥丕著初祭中允畢沅之詞歲祭編修曹文植之詞也

褚廷璋西域詩塔爾巴哈台多羅川外夜吹蘆雉堞新

城接上腴寒月已寒三葉護邊風猶動五單于名藩甲

卷原消漠健將弓開血灑燕不是皇威宣北徼春

光誰遣徧墳塋名藩句自注西北接哈薩克部界大

兵追阿睦爾撒納入其境哈薩克撤帳數千里因而內附健將句自注巴圖魯侍衛奇徹布克敵制勝於此

當金山之西南霍博克薩里

原有新疆議畧塔爾巴哈

六年由伊犁移住在城東六百餘里霍博克賽里地方

游牧西域釋地賽里山在塔爾巴哈台城東八百餘

里山之陽名和博克薩里準噶爾未滅時此其游牧無

名氏新疆紀畧土爾扈特來降其親王策伯克多爾濟

部落三千餘戶安插於撻拉巴哈台城東四站賀伯克

薩里地方西域水道記納林喀喇山之東為阿勒坦烏

梁海種人山之西為和博克薩里土爾扈特種人策凌

傳載喀爾喀與厄魯特分界議云策凌阿喇布坦存比

游牧和博克薩里察罕呼濟爾進西數年來漸越額爾

齊斯推是言之和博克薩里初亦準部地既入版圖乾

隆三十六年始界北三旗土爾扈特布延圖親王駐之

又注按和博克薩里相承為一處地名考之準語和博

克汲水器也以皮為之其地有非居人往汲故以名地

薩里謂馬股言地形似之蓋和博克自為一地故有納

林和博克克特和博克也

博克河薩里山是本為二地合而言之者猶云和博克

河旁之薩里山耳。今新疆識畧圖則徑名霍博克薩里河。蓋西北地名亦隨時改易也。水道提綱云：阿爾泰山頂西南八百餘里曰賽兒山。南徑哈密城三度四分。西徑準噶爾城。踰漠入度。又云：西二十一度五分。極四十六度七分。以地勢揆之。賽兒當卽薩里也。至納林和博克地。東南至克特和博克相距止二十里。納林和博克北倚鄂爾和楚克山。山下有泉。南流會克特和博克之水。合流南注于哲克得里克。克特和博克西三里許有古廟。爲準部境內舊蹟。建置之始不可考。哲克得里克南至迪化州僅三百里。中隔沙磧。其北境有河合流南下。餘波入於磧中。此卽和博克河之原委。補至京師也。以西域水道記言之。未詳故附證之。

九千七百餘里。漢時爲匈奴西境。烏孫北境。北魏爲蠕蠕地。後周時入於突厥。唐爲西突厥地。明時爲衛拉特地。舊爲準噶爾台吉游牧處。乾隆二十年。準部平地屬塔爾巴哈台轄。三十六年。賜北路舊土爾扈特

爲牧地原三旗曰北路旗和碩布延圖親王游牧汗渥
巴錫族子策伯克多爾濟曾祖袞札布阿玉奇汗之子
也乾隆三十六年從渥巴錫入 覲封和碩親王

賜號布延圖授札薩克四十年定霍博克薩里

爲舊土爾扈特部北路以策伯克多爾濟領之授盟長

賜印賜初策伯克多爾濟來歸獻金削刀及

策伯克多爾濟得其馬以獻色爾克斯馬色爾克斯者洪裕爾屬部也

駕幸木蘭行圍御之良賜名寶吉駱

列復獻阿玉奇所服剛甲蓋世守物也御名寶吉駱

先後所獻物皆四十二年卒弟奇哩布襲布初授札

薩克一等台吉轄右翼旗務兼副盟長及策伯克多爾
濟卒子幼詔奇哩布襲納右翼印毀之

四十八年

詔世襲親王爵罔替

原佐領四

右旗公

品級札薩克一等台吉游牧親王策伯克多爾濟之子
恭格車稜初授公品級一等台吉乾隆五十年授札薩
克

詔轄其父屬衆別鑄北路右翼札薩克印

賜之缺出請

旨原佐領六

左旗札薩克一等台

吉游牧汗渥巴錫族子阿克薩哈勒親王奇哩布弟也
乾隆三十六年授一等台吉四十年

詔轄北路

左翼旗務授札薩克

賜印四十四年授副盟長

五十四年卒子阿咱拉襲五十七年封輔國公卒子多
爾濟那木札爾道光二年降今爵世襲罔替

原佐領四牧

地

有奇

北極高四十五度二十九分

東至噶札爾巴什

諾爾

原注

接科布多屬阿爾泰烏梁海界。西域釋地

海

爾注

秋濤按輿圖有赫薩爾巴什泊。即此諾爾異名

在哈喇莽奈山北一百里。所部正在泊之西南。凡金山

東南烏隴古河。布爾干河。青吉斯河。諸水皆滙於此。泊

東西廣七十里。南北袤三十里。餘波入於沙磧。泊以東

即新土爾扈特地。會典圖說北路土爾扈特三旗在

塔爾巴哈台城東。東與科布多所屬新土爾扈特境接

也。是西至察漢鄂博。原注。接塔爾巴哈台所屬額魯特游

分移游牧於巴爾魯克毛海柯凌齊爾等處。距城東南

百餘里。夏季擲於雅瑪圖策勒克等處。距城二三百里

與察哈爾哈爾哈薩克各佐領同游牧。西北皆設喀倫

接哈薩克界。轄於參贊大臣。歸伊犁將軍節制。又按塔

爾巴哈台察哈爾游牧。在城東南二百餘里。拜興圖一

帶地。冬夏挪移不定。哈薩克有左右二部。右部在伊犁

喀倫外。左部在塔爾巴哈台及科布多屬阿爾泰烏梁

海喀倫外。自乾隆三十年起。陸續投誠九十餘戶。計七

百餘口安插哈爾巴哈合西北喀倫外游牧編爲一佐
領屬參贊大臣轄四十四年後定例凡哈薩克人來投

者皆南至戈壁戈壁接甘肅迪化州界秋濤按此

不納唐所謂沙陀者也踰戈壁接迪化州界州即烏魯木齊

也接會典圖說云迪化州西北界伊犁所屬北路土爾

扈特旗洪亮吉乾隆府廳州縣圖志曰迪化州漢爲蒲

類國三國爲蒲陸國北魏爲高車地後入于蠕蠕周爲

突厥地隋爲西突厥地唐初爲蒲類縣寶應元年更名

爲後庭縣宋爲高昌國北庭地元屬回鶻爲五城地明

屬衛拉納本朝初爲準爾庫本諾雅游牧處乾隆二

十年內屬賜名迪化別於舊城北建迪化新城

三十八年改設直隸州分巡鎮迪道駐此褚廷璋西域

詩烏魯木齊額魯公孫此建領天戈萬里下風雲山圍

蒲類分西谷雲護沙陀拱北庭不斷角聲橫月白無邊

草色入天青輯懷城上舒雄眺盡把耕疇換牧坳首句

自注地爲額魯特公族噶爾丹多爾濟之昂吉西域圖

志云吉木在迪化州治東北四十里乾隆二十七年於

其地建輯懷城門四東曰承恩西曰敷信南曰陽若北

曰星從城北有輯懷城塘按旗南境有薩爾巴爾圖山

又有貝倫山俱北至額爾齊斯河

與烏魯木齊界北至額爾齊斯河

額爾齊斯河自科布多界西流北納諸河至塔爾巴哈

台城東北瀉為齋桑泊俄東河特穆爾河出城東北

流阿布塔爾謨多河出城北境東流皆會焉復自泊西

北出仍名額爾齊斯河東納輝齊爾河又北西納布坤

河納林河經科布多西境入哈薩克界秋濤按唐時西

突厥地附近金山以地理診之額爾齊斯河蓋即唐時

之多邏斯川也攷唐書突厥傳賀魯者室點密可汗五

世孫曳步利設射匱特勒越子也始阿史那步真末

歸國咄祿可汗以賀魯為葉護代步真居多邏斯川直

州交河郡額爾齊斯河在今開展北入百里外里數古

浮今實加以山川迥互不皆徑直則所云多邏斯川直
西州北千五百里者當即今塔爾巴哈台境內之額爾
齊斯河以古印今形勢符合又唐書云顯慶初蘇定方
與任雅相蕭嗣葉婆閏窮討賀魯定方命嗣業婆閏趨
邪羅斯川按邪羅斯川亦即多邏斯川邪與多為音之
譌邏羅則書法稍變耳又按額爾齊斯河源委其
長下流入於北海詳見秋濤所著朔方備乘中

補所

部三旗自爲一盟曰烏訥恩素珠克圖盟北路隸塔爾巴哈台大臣兼轄歸伊犁將軍節制。

庫爾喀喇烏蘇舊土爾扈特蒙古烏訥恩素珠克圖

盟東路游牧所在。

標題秋濤
依例補。

原東路舊土爾扈特部補在庫爾喀喇烏蘇城西南。

庫爾

喀喇烏蘇距京師九千五百五十里在伊犁東一千

九里西陲要略庫爾喀喇烏蘇城乾隆四十六年所築

名慶綏城門四東撫仁西向義南溥澤北奉恩城垣高

一丈六尺底厚二丈頂厚一丈二尺周三里有奇西域

圖志庫爾喀喇烏蘇路東至奎屯接綏來縣界西至托

和木圖接伊犁東路之呼蘇圖拉克臺界北接塔爾巴

哈台界南

原當天山之北濟爾噶朗爾噶朗河在庫爾

喀喇烏蘇城西南爲土爾扈特游牧乾隆二十年將軍

兆惠駐師於此聞準部率桑等扇亂移兵往剿甫至鄂

墨扎拉圖突遇賊乘友擊之。馘千餘人。適其首噶爾蘇多爾濟等料衆邀歸路。力戰全隊還屯巴里坤。西域水道記。慶綏城西南九十里。山中有雅將軍營。謹按方略。雅爾哈善以乾隆二十二年三月任參贊。五月駐濟爾噶頭。總辦軍務。斯其舊壘。今尙巋然。有水發於壘北。流經鄂壘。札拉圖爲鄂壘。札拉圖水注。準語濟爾噶頭謂安居之也。鄂壘高聳之象。札拉冠上纓也。冠傳準夷擊服。回人於此加服冠纓。故名。至京

師九千五百餘里。漢時爲烏孫國地。北魏爲蠕蠕地。後

周時入於突厥。唐爲西突厥地。後爲盟鹿州都督府地。

明時爲衛拉特地。舊爲準噶爾各鄂拓克及各台吉游牧處。乾隆二十年。準部平地屬烏魯木齊統轄。三十六

年。賜東路土爾扈特爲牧地。二旗曰石旗。札

薩克多羅畢錫呀勒圖郡王游牧。汗渥巴錫族弟巴木

巴爾曾祖納札爾瑪穆特阿玉奇汗從弟也

巴爾之父

日羅卜藏祖曰烏巴什多爾濟爲額濟納貝子阿喇布珠爾從弟阿喇布珠爾於康熙年間先內附受封見後

額濟納乾隆三十六年授今爵

賜畢錫喇勒圖號

特禮達賴喇嘛巴木巴爾祖多爾濟雍正九年遣使奏請赴唐古

十六年巴木巴爾抵伊犁病長子車凌德勒克亦病乃

遣次子達木拜札爾桑入覲奏臣父巴木巴爾

語臣曾祖多爾濟遣使入貢赴藏歸牧誦

朝恩示願賜物臣曾祖體首受謂臣祖羅卜藏

日我等遠衷蒙恩若此盍內附因率屬行次策

木河哈薩克兵驟至懼不敢進仍歸額濟勒河今臣等

如天之福幸得爲僕屬恨不令臣曾祖見之錫命特異並授其子車凌

德勒克及達木拜札爾桑各一等台吉明年巴木巴爾

病瘡入覲賞章服象帛有加並圖其形藏之秋

濟按巴木巴爾之祖表稱烏巴什多爾濟卒子車

稜德勒克襲

車稜德勒克初授一等台吉至是襲封

四十年定濟爾噶

朗為舊土爾扈特部東路

命轄右翼旗務授盟

長

賜印四十八年

詔世襲罔替

領四佐

左旗札薩克固山依特格勒貝子游牧汗渥巴錫族子

奇布騰父葉木沁郡王巴木巴爾之弟也乾隆三十六

年授今爵

賜依特格勒號四十年授盟長轄東

路左翼旗務四十八年

詔世襲罔替

領三佐牧

地

圖志云西三十度四十四分北極高四十四度二十四分距庫爾喀喇烏蘇城八十五里

跨濟爾哈朗河

會典圖說東路土爾扈特二旗在庫爾喀喇烏蘇城西南北臨濟爾噶朗

河源西域水道記濟爾噶朗河三源發庫爾喀喇烏蘇南山名古爾班恰克圖水山中產金置濟爾噶朗廠

金夫二百九名古爾班恰克圖水北流經土爾扈特喇
嘛寺又西北流經布爾哈齊軍臺西十里許為濟爾噶
明河又日多木達喀喇烏蘇言於三喀喇烏蘇居中也
布爾哈齊莊南五里許沙阜湧泉流如噴濺勢甚湍急
北經莊東二十許步為布爾哈齊水西北流入於濟爾
噶明河濟爾噶明河又西北流入於庫爾喀喇烏蘇河
濟爾噶明河西南有山曰額布圖嶺發泉東北流為額
布圖河又曰固爾班喀喇烏蘇其水自東北折而西北
流百餘里入於庫爾喀喇烏蘇河又西東至奎屯河
三十餘里入於喀喇塔拉額西柯淖爾
接甘肅綏來縣界西域釋地奎屯河在庫爾喀喇烏
蘇城東南西域水道記準語奎屯謂冷奎屯河猶言冷
水河源出額林哈畢爾噶山山產金乾隆三十六年置
廠其年土爾扈特歸順置東路二旗于二百二十戶於
奎屯河西岸明年伊犁將軍舒赫德以土爾扈特郡王
巴木巴爾游牧與淘洗金沙之河相距三十餘里罷兵
丁之洗金者四十七年都統明亮仍置廠金夫二百一
十人納課如羅克倫河例奎屯河北流出山疏西流渠
一曰樹窩子商戶渠又北流迤庫爾喀喇烏蘇城東四
十里城曰慶綏又北流東西各引渠一東曰河沿子商

戶渠西曰民戶渠戶屯之北爲兵屯河逕兵屯東折而西北流逕軍臺西爲庫爾喀喇烏蘇河補注
源奎屯河春秋祭祀文曰衍派天山導源月窟湛然無
際性殊湯谷之温注焉不盈德比寒泉之食波成文而
曲折下注伊犁水如鏡以澄明近鄰策集功淮潤下勢
欲朝宗洵神應之肆昭宜吉蠲之罔替并包九寓戡定
二庭路逾弱水之西王鈴遠授地盡河源之外皮核新
屯乃容都護之臣肇舉名川之祀穿渠引水灌溉之利
攸資剗木乘桴濟涉之功尤遠自古販章未闢不登裴
矩之圖於今中外爲家合補闕元之注清醪載酌制帛
爰陳康我塞垣永作渠搜之襟帶昭茲功德長散闡炭
之馨香式薦苾芬庶希鑒格乾隆府廳州縣圖志甘
肅迪化州綏來縣東南至州三百八十里漢烏孫國地
後漢移支國地三國仍屬烏孫魏高車國地周突厥地
隨爲西突厥鐵勒地唐爲西突厥處密部後內屬爲鹽
泊都督府宋元爲回鶻地明屬衛拉納本朝初年爲
準噶爾呼拉瑪部游牧地納木奇之昂吉乾隆二十八
年入版圖後建綏來縣四十二年建綏甯康吉二城四
十四年設綏來縣秋濤按瑪納斯河在綏來縣西今於
縣設瑪納斯營三州輯略云瑪納斯水田稻米最佳又

瑪納斯城南一百餘里名清水泉又西百餘里名後溝
又西百餘里名大溝皆產綠玉乾隆五十四年封閉瑪
納斯綠玉廠禁止開採又按天山路采金之役亦自
瑪納斯始三州輯略云乾隆三十六年提督巴彥弼奏
言烏魯木齊所屬瑪納斯地方南面一帶入山伐木之
人常獲金塊又瑪納斯西接庫爾喀喇烏蘇山勢懸亘
數百里沙磧內有金屑顯露必有金沙苗穰可尋現在
委員踏看如果金苗旺盛再行開採嗣經徐績雅郎阿
等查奎屯河上游山中創見金屑令三十九人淘洗七
日得金一兩五錢八分又於呼圖壁河上游令二十七
人淘洗五日得金六錢六分此置金廠之始三十七年
奏停四十七年都統明亮奏南山一帶並奎屯河呼圖
壁瑪納斯庫爾喀喇烏蘇等處依山傍水間產金沙設
司金局發給民人路票入山淘金約課四十八年都統
海祿奏裁司金局改歸鎮迪道總理各州縣承辦迪化
州屬東溝口廠東至馬圈溝西至頭屯南至後硤北至
水西溝金夫一百九十名水西溝廠東至雪山根西至
三益口南至馬圈溝北至大拉牌金夫一百七十三名
白楊溝廠東至東溝口西至後硤南至繡沙觜北至草
達坂金夫五十名繡沙觜廠東至水西溝西至後硤南

至白楊口北至駱駝廠金夫七十名頭屯廠東至照壁
山西至西盆南至三盆口北至湧壩灣金夫五十五名
駱駝廠東至大拉牌西至河沿南至繡沙背北至硤
門子金夫二十五名大西溝廠東至河沿西至草達坂
南至硤門子北至卡倫金夫九十名昌吉縣屬三屯廠
東至廟兒溝西至呼圖壁廠南至山峽北至草達坂金
夫二十三名呼圖壁廠東至三屯廠西至清水河南至
山峽北至溝口金夫二十三名綏來縣屬烏蘭烏蘇博
羅屯古廠東至紅柵廠西至金屯南至南山北至戈壁金
夫二十二名紅柵廠東至清水河西至烏蘭烏蘇南至
達子橋北至瑪納斯金夫四十八名達子橋廠東至清
水河西至烏蘭烏蘇南至南山北至紅柵金夫三十四
名庫爾喀喇烏蘇屬濟爾噶朗廠南直溝一道南至
腰沙臺子北至大崖頭東西俱至木溝山金夫二百九
名奎屯廠南直溝一道南至三道河北至九間樓東
西俱至木溝山金夫二百十名共夫二千二百二十三
每名月交課金三分每月共收課金三十六兩六錢九
分說者謂西域當乾兌之位爲玉爲金各以氣應固不
誣也長春真人西游記曰九月二日西行四日宿輪
臺之東迭眉頭日來迎南望陰山三峯突兀倚天又歷

二城重九日至回紇昌八刺城其王畏午兒卒衆來迎
既入齋於臺上泊其夫人勸蒲萄酒且獻西瓜其重及
稱甘瓜如枕許其香味蓋中國未有也園蔬同中祇有
僧來侍坐使譯者問看何經典僧云剃度受戒禮佛爲
師蓋此以東昔屬唐故西去無僧道回紇但禮西方耳
程春廬延尉同文曰倫臺東爲阜康縣治在博克達山
之陰故云南望陰山也元史地理志西北地附錄有彭
八里當卽此昌八刺城耶律希亮傳中統元年阿里不
哥反希亮喻天山至北庭都護府二年至昌八里城夏
踰馬納思河則昌八里在今瑪納斯河之東也自鼈思
以西惟昌八刺阿里馬爲大城秋濤又按緩來縣之
東有昌吉縣舊地名昌吉與昌八刺音近疑亦昌八刺
所屬之地卽以古地爲名也圖志云昌吉縣在迪化州
西東距州治一百二十里昌吉郭勒經流其地乾隆二
十七年於昌吉郭勒西建甯邊城門四東曰文同西曰
武定南曰諧遷北曰變遷三十八年設縣隸迪化州縣
境東西二百里東至頭屯河接州界西至呼圖南至南
克拜郭勒接緩來縣界南至天山北至葦湖南至南
山路土爾扈特及和碩特界西至庫爾喀喇烏蘇屯田

蒙古游牧記十五 蘇土爾扈特十

關按精河所屬軍臺界 乾隆二十七年初置庫爾喀喇烏蘇屯田五千四百畝 遼年或增或減 四十年額屯三千六百三十六畝 管屯都司守備千總把總外委各員由陝甘省調撥 土宜麥黍粟青稞原西域水道記 慶綏城戶八十四 種田二千五百二十畝 額徵糧百四十二石 六斗七升六合 兵屯田數如戶屯 兵凡百二十人 西域釋地慶綏城西二里許 小邱形周如釜 中有池水 極涼約深數丈 四時不消 不長 每夏白蓮自水底挺出 花朵稍小 開有如盤大者 幹或長至一二丈 可異也。補新疆議略曰 庫爾喀喇烏蘇所屬土爾扈特西至圖爾托多克兩軍臺之中 立界齒爾圖塘至托多克塘六十里 托多克塘至精河底塘一百五十里 北至戈壁補按塔爾巴哈台補所部二旗 自為一盟

曰烏訥恩素珠克圖盟 東路隸庫爾喀喇烏蘇大臣管轄 歸烏魯木齊都統及伊犁將軍節制

晶河舊土爾扈特蒙古烏訥恩素珠克圖盟西路游

牧所在

標題秋濤
依例補

原西路舊土爾扈特部補在伊犁城東

師一萬零六百一

十里新疆識略伊犁之地在漢及魏爲烏孫在唐爲西突厥在明爲瓦剌卽衛拉特之譌衛拉特凡四而綽羅斯部居首是爲準噶爾乾隆二十二年平準噶爾定伊犁其地統轄新疆爲天山南北總會之區自北而西與哈薩克接界自西而南與布魯特接界東與烏魯木齊所屬精河接界東北與塔爾巴哈台所屬阿魯沁達蘭卡倫接界南與阿克蘇所屬噶克察哈爾海臺接界東西一千五百餘里南北一千一百餘里木蘇爾峙其陽塔勒奇障其陰左以額林哈必爾罕爲門戶右以善塔斯爲藩籬而伊犁河橫亘其中河之北列城九爲將軍官兵分駐之所有游牧二河之南爲錫伯厄魯特駐劄游牧之所地處極邊形勝四塞褚廷璋西域詩伊犁人驅風雪獸驅煙猶見烏孫立國年海氣萬重吞麗水山容三面抱祁連盤雕紅寺朝鳴角散馬青原夜控弦紀績穹碑銜落日英靈班鄂想迴旋紅寺句自注伊犁有海弩克固爾札兩廟固爾札廟東建有前後勒銘伊犁

碑班鄂句自注定西將軍班第
參贊大臣鄂容安畫節於此
原當天山之北晶河東

岸圖說曰在精河南號晶土爾扈特
原作精河西域水道

記固爾圖喀喇烏蘇西二百五十餘里為晶河河口

阜城南山其山即伊犁哈什河北岸山陰也山有峽口

曰登努勒台兆公惠曾由此進兵故安阜城南十里有

兆將軍廢壘新唐書地理志云黑水守捉又七十里有

東林守捉又七十里有西林守捉又經黃艸泊大漠小

磧度石漆河踰車嶺至弓月城過思渾川蟄失蜜城渡

伊麗河蓋即由登努勒台至伊犁矣石漆河或晶河之

舊稱河三源並出為古爾班晶河準語晶謂蒸籠也河

濱沙土溫暖如蒸故名西北流出山遶西路一旗土爾

扈特游牧一百科樹之西北距安阜城九十里又西北

流導西流渠一溉戶屯田又西北流導東流渠一溉兵

屯田又西北流逕晶河舊城西半里又北流百餘里入

喀喇塔拉額西柯淖爾安阜城西二百里至托霍木圖
軍臺南南盡哈什圍場山陰北盡淖爾皆土爾扈特錯
處自城以南則河東者游牧河西者屋居自城以北則
河東者屋居河西者游牧穆按安阜晶河新城名也

秋濤按會典圖說云精河出精河城西南三水合北流經城西大河出其西二水合東北流博羅塔拉河出瞻德城北山四水合東流俱入鹽海子洪亮吉天山客話云自晶河至烏蘭烏素數百里中楊柳夾途草香花密與戈壁中風景絕異但蚊蚋多耳又云烏蘭烏蘇至瑪瑞斯數程內遙瞰南山石壁色如丹砂與天台之赤城無異

補

至

京師一萬餘里漢時爲烏孫國地北魏時

爲悅般國尋爲蠕蠕所併後周時入於突厥唐初爲西

突厥地後爲盟鹿州都督府地元爲阿勒穆爾地

秋濤

按阿勒穆爾亦作阿爾穆爾舊作阿力麻里元史地理志諸王海都行營於阿爾穆爾等處蓋其分地也自高昌五城西北行四五千里至阿爾穆爾至元五年海都叛世祖追至阿爾穆爾則遠遁二千餘里令勿追以皇子北平王統諸軍於阿爾穆爾以鎮之秋濤又按長春真人西遊記重九日至回紇昌八刺城翌日竝陰山而西約十程又度沙場其沙細遇風則流狀如驚濤乍聚乍散寸草不萌車陷馬滯一晝夜方出蓋白骨甸大

沙分流也。南際陰山之麓，踰沙又五日，宿陰山北。詰朝南行，長坂七八十里，抵暮乃宿。天甚寒，且無水，晨起西影池中，師名之曰天池。沿池正南下，左右峰巒拔松樺陰森，高踰百尺，自顛及麓，何啻萬株。衆流入峽，奔騰洶湧，曲折變環，可六七十里。二太子扈從西征，始鑿石理道，刊木爲四十八橋，橋可並車，薄暮宿峽中。翌日方出，入峽東，西大川水艸盈秀，天氣似春，稍有桑棗，次及一程。九月二十七日，至阿里馬城，鋪速滿國王暨蒙古塔刺忽只領諸部人來迎，宿於西果園。土人呼果爲阿里馬，蓋多果實，以是名其城。其城出帛，目曰禿鹿麻，蓋俗所謂種羊毛織成者，時得七束爲禦寒衣，其毛類中國柳花，鮮潔細軟，可爲綫，爲帛爲綿，農者亦決渠灌田。土人惟以瓶取水，及見中原汲器，喜曰：「桃花石諸事皆巧。」桃花石，謂漢人也。程春廬廷尉同文曰：「崑河城東至托多克積沙成山，浮澀難行，東距阜康縣千一百里，故云十餘程。其間亂流而過，當有洛克倫河呼圖壁河，瑪納斯河，烏爾蘇河，記不顯。言塞外之水，山雪所融，夏日盛漲，過時則涸。九月正水竭之時，蓋不知有河也。白托多克過崑河，山行五百五十里，至賽喇木淖爾。

東岸。淖爾正圓。周百餘里。雪山環之。所謂天池海。並淖
爾南行五十里。入塔勒奇山峽。諺曰：果子溝。溝水南流。
勢甚湍急。架木橋以度。車馬峽長六十里。今爲四十二
橋。卽四十八橋遺址。出塔勒奇山口南行百七十里。至
惠遠城。乾隆二十八年。建。今曰伊犁城。東北出塔刺
在阿里瑪圖河側。阿里瑪圖河在拱宸城東北。出塔刺
奇山口。至阿里瑪圖河。僅百里。漭然居士集有從容菴
釣序。末題曰：甲申元日。漆水移刺。楚材晉卿序於西城
阿里瑪城。又西遊記歸途云：三月二十三日。宜差阿
狗餞於吹。投輦之南岸。又十日。至阿里瑪城。西百餘里。
濟大河。四月五日。至阿里瑪城。東園翌日晚。抵陰山
前。宿。又明日。復度四十八橋。緣溪上五十里。至天池海
東北。過陰山。後行二十二日。方接元。歷金山南。大河駟
路。徐星伯太守松曰：其歸途。渡那林河。而直北。由特默
爾圖淖爾之西。以達吹河之南。乃轉而東北。渡伊犁河。
其渡處。在察林渡之東。故百餘里。卽至阿里瑪城。自阿
里瑪城。出塔勒奇山口。經賽喇木淖爾。與往時程同。過
賽喇木淖爾。不復東折。而東北行。其分路處。在干珠旱
卡倫地。東北山行。由沁達蘭。至阿魯沁達蘭。明時爲衛
入塔爾巴哈台界。以至原。歷之金山大河駟。

拉特地舊爲準噶爾各鄂拓克及各台吉游牧處乾隆二十年準部平地屬伊犁將軍統轄三十六年

賜舊土爾扈特爲牧地圓一旗曰西路旗札薩克多羅濟爾噶朗貝勒游牧汗渥巴錫族叔父默們圖高祖羅卜藏諾顏書庫爾岱青弟也乾隆三十六年封今爵

賜濟爾噶朗號授札薩克四十年定晶河牧地爲舊土爾扈特部西路授盟長 賜印四十八年

詔世襲罔替

源 伯領四舊土爾扈特東南北三路凡札薩克八皆書庫爾岱青裔惟

西路爲羅卜藏諾顏裔以牧地補注秋濤按圖志云西

乏從衆故僅設札薩克一補注三十二度三十分北極

高四十四度三十三分地名東至精河屯田原注接精

托里在精河城西九十里原注河城界西

城水道記安阜城管戶四十二屯兵六十八戶屯兵屯

各種田千二百六十畝又有開戶種田千二百四十三

畝補注乾隆二十七年初置精河屯田四千五十畝遞

年或增或減四十年額屯三千三百六十畝其管屯都

司千總把總由陝西省調南至哈什山陰原注接伊犁

撥土宜小麥青稞粟穀

釋地哈什山在慶綏城西南山之陽卽伊犁哈什河源

所出山口地名登努勒台西域水道記安阜城東五十

里地曰沙泉子沙泉子正南與登努勒台山口相直關

注會典圖說哈什河出庫爾喀喇烏蘇城南哈什山北

合十餘水西流來會曰伊犁河異域竹枝詞云虎豹熊

羆麋鹿饒將軍會獵趁秋慶不須夜議金銀氣塞草肥

時塞馬驕注云伊犁之東一百八十里曰哈什山峯嶺

高峻迺環數百里其上多銀其下多野獸爲將軍圍場

有哈什回子之城伊犁輿圖曰惠遠城五十里至沙喇

托海又六十里至濟爾噶朗又五十里至塔什鄂斯坦

又五十里至博羅布爾噶蘇又六十里至蘇布台又六

十里至額琳莫多又九十里至吉爾瑪泰又六十里至

齊齊爾哈納托海又二十里至巴爾加圖是爲第一圍

圖爲第三圍又十里至哈普齊克布董爲第四圍又十
里至哲庫布董爲第五圍又十五里至阿爾斯朗圖布
董爲第六圍又五里至哲里莫多爲第七圍又五里至
阿木爾莫多爲第八圍又十里至圖爾根察罕烏蘇爲
第九圍又六里至阿爾沙圖察罕烏蘇爲第十圍卽底
圍也其山陰則屬喀喇庫爾烏蘇境矣 欽頌哈
什河春秋祭視文曰惟神澤沛金方靈昭坎德匪特刻
期而共注衆派同歸經固爾札以分流平原獨沃淵澄
方折記玉水之濛洞積著安瀾靜銀波之浩淼勁靈不
爽錫典宜隆朕撫定遐陬救膏荒服塞煙隴月駐細柳
以開營雪浪風濤挾飛龍而競渡惟念斯河之天險彌
慶今日之波恬粵稽嵬鹿名州益增式靡爰布沈經令
典用妥神明康我邊陲永秩春秋之祀綏爾藩部共歌
清宴之庶肅此苾芬尙其昭格 秋濤接哈什地在伊
犁之東爲最要門戶形勢殊勝乾隆二十年五月將軍
班第尙書鄂容安駐防伊犁阿睦爾撒納叛從賊宰桑
克什木巴桑等應之八月以五千兵進犯伊犁班第等
督兵迎剿至哈什力戰陷堅賊兵圍之數重班第鄂容
安度不免以將軍印授其屬富錫爾間道齋還乃手殺
數賊而死其屬額納伸巴爾阿亦皆自殺既而魁巴桑

執之數月乘間脫歸富錫爾道遇賊將劫其印幾被害
乃沈印於河力戰得免二十四年西域平哈什入版圖
三十二年建雙烈祠祀班第鄂容安御賜匾曰

漢陞競烈並製雙烈詩以旌其忠是年

御製又有三巴圖魯歌卽謂額

納伸巴富阿富錫爾三人也

接伊犁所屬察哈爾游牧界

東至托里一百一十里西至伊犁所屬之瑚圖布拉克

臺一百二十里又按伊犁東北二百里地名博羅布爾

鳴蘇卽博羅布爾鳴蘇山西谷口外地舊爲輝特台吉

康古武游牧之地乾隆二十年五月大兵抵伊犁率所

屬一千戶內附地爲伊犁東境門戶自博羅布爾鳴蘇

東北踰山接晶河界又按伊犁所屬額

魯特游牧東境亦與晶土爾扈特接界

北至喀喇塔

拉額西柯淖爾爲界

鹽海子西域釋地鹽海在精河城

西北

蘇河出庫爾喀喇烏蘇城南山中三水合北流經城東

及北合南來一水又西北濟爾噶朗河自其南注之所

又西敦穆達河亦自其南注之合流瀦焉曰鹽海子

部一旗自爲一盟曰烏訥恩素珠克圖盟西路隸伊犁
將軍節制

壽陽閭汝爾覆校

蒙古游牧記卷之十六

平定張 穆初稿

光澤何秋濤補輯

額濟納舊土爾扈特蒙古游牧所在

秋濤按今會典及地圖皆作額

濟納石州初稿亦作納後又改納爲內考各卷中亦不畫一今定本仍從納後仿此

原額濟納舊土爾扈特部在阿拉善旗之西**補**當甘肅省

甘州府及肅州邊外至京師五千五百餘里漢爲居

延縣地張掖郡都尉治此

補注秋濤按漢居延城卽張掖郡屬之居延縣自顏師古

分爲二地諸家異說紛起幾於以不狂爲狂然其原委非詳攷莫能明也漢書地理志張掖郡居延居延澤在東北古文以爲流沙都尉治師古注曰闕駟云武帝使伏波將軍路博德築遮虜障於居延城又賸得下云羌

谷水出羌中東北至居延入海過郡二行二千二百里
以此驗知居延在饒得東北其里數亦約略可考方輿
紀要云居延城在甘州衛西北千二百里其東北有居
延澤亦曰居延海按括地志云漢居延故城在今張掖
縣東北千五百三十里有遮虜障唐張掖縣卽明甘州
衛也二書所言里數不同當以括地志爲正漢書武帝
紀元狩二年夏霍去病公孫敖出北地二千餘里過居
延斬首虜三萬餘級太初三年夏強弩都尉路博德築
居延天漢二年夏騎都尉李陵將步兵五千人居延
北與匈奴戰斬首虜萬餘級注師古曰居延匈奴中地
名也韋昭以爲張掖縣失之張掖所置居延縣者以安
處所獲居延人而置此縣李陵傳天漢二年詔陵以九
月發出遮虜障王氏應麟玉海曰河西之未入漢也霍
去病欲攻小月氏則先望居延而濟乃至天山李陵欲
涉單于庭必先自居延北出乃至浚稽則知居延之出
匈奴乃其要路也漢旣全得月氏之地立爲四郡則居
延又爲酒泉要路故築塞其上以扼其來名以遮虜可
見其實也通典旣於張掖甘州著居延塞又於酒泉諸
州著遮虜障者甘州之西卽肅州之東寇之來路亘於
兩州之境故障塞之設亦亘兩境李陵之軍自遮虜障

北出亦望遮虜障南入可見虜路出入無不由此也居
延塞卽遮虜障也秋濤按漢書匈奴傳太初三年使強
弩都尉路博德築居延澤上是本紀所言築居延卽築
於居延澤上也地理志居延縣有居延澤是居延縣卽
路博德所築之城無疑詳攷浚儀所論則知霍去病路
博德李陵所出之居延塞遮虜障與地理志之居延縣
皆爲一地韋昭闕駟距漢未遠所言灼然可據而師古
以爲非張掖縣是臆妄分其說謬矣又按後涼呂光嘗
徙西海郡人於諸郡而西海郡實領居延則居延在呂
氏時亦嘗移治師古蓋誤認移治處爲漢舊縣而轉以
居延塞別爲一地也元和郡縣志亦誤以遮虜障在酒
泉縣北二百四十里指爲李陵戰處其致誤之故蓋與
師古同胡東樵執師古之說轉訾班氏以居延澤繫居
延縣下爲未當尤爲失攷一統志亦疑元和志所記遮
虜障道里與漢書不合而不能決其後漢初因之
所在今以諸書互證瞭然無疑矣後漢初因之
書明帝紀永平十六年駙馬都尉耿秉出居延伐北匈奴
奴李賢注云居延本匈奴中地名也武帝因以名縣屬
張掖郡在今甘肅張掖縣東北安帝時改置張掖居延屬國別領居延

一城

補注司馬彪續漢書郡國志張掖居延屬國故郡

百三十三居延有居延澤古流沙補注獻帝建安末立爲西

海郡

補注秋濤按此從續漢志所載晉書地理志則云

雅請置統縣一居延居延澤在東南尚書所謂流沙也
立郡之年二書不同洪氏亮吉日蓋請立於興平中至
建安末始置也秋濤又按漢志言居延澤在縣東北至
元志稱居延故城亦云澤在東北而晉志獨云澤在東
南南字誤也又按漢平帝時曾設西海郡在今青海境
厥後隋煬帝復設西海踵其故名與此郡之設於居延
者名同實異亦攷

魏晉因之永嘉以後地屬前涼張軌

補注

洪氏亮吉十六國疆域志曰前涼沙州西海郡漢

置前涼領縣可考者一居延秦駿分涼州西界三郡置

沙州除敦煌別屬外餘一郡無可攷今以東西道里計

之蓋卽西海也張軌傳西海太守張肅又曰秦張駿分

涼河諸州內無西海則西海屬沙州無疑晉志駿分敦

煌晉昌至爲沙州二十五字文法不其可解疑有錯誤

細校之疑敦煌晉昌後涼呂光補注晉書載記光徙西

四字下脫西海二字後涼呂光補注晉書載記光徙西

相扇動復徙之於河西樂都北涼沮渠蒙遜補注晉書

郭燾傳呂光西海太守王禎姚興遣使

人梁斐張構等拜蒙遜鎮西

大將軍沙州刺史西海侯西涼李暠等相繼割據

北史序傳云李翻弟豫位西海太守元魏為涼州所轄

洪氏引此為西海地屬李暠之證

地補注秋濤按元魏正光二年柔然亂其主阿那瓌婆

龜末遷冠軍將軍涼州刺史時蠕蠕主阿那瓌後主婆

羅門並以國亂來降讎表曰愚謂蠕蠕二主宜皆存之

居阿那瓌於東偏居婆羅門於西裔其婆羅門請修西

海故城以安處之西海郡木屬涼州今在酒泉直北張

掖西北千二百里去高車所住金山一千餘里正是北

虜往來之衝要漢家行軍之舊道土地沃衍大宜耕殖

即可永為重戍鎮防西北且西海北垂卽是大磧野獸

所聚千百為羣正是蠕蠕射獵之處殖田以自供藉獸

以自給彼此相資足以自固又蠕蠕傳曰正光二年十

月錄尚書事高陽王雍等奏曰今臣等參議以為懷朔

願齊納土三

鎮北土名無結山吐若奚泉敦煌北西海郡卽漢晉舊
障二處寬平原野彌沃向那瓊宜置吐若奚泉婆羅門
宜置西海郡各令總率部眾收聚離散又云阿那瓊所
居既是境外宜少優遣婆羅門居於西海既是境內資
衛不得同之秋濤按詳攷諸說隋唐爲甘州肅州北境
則西海郡故城在涼州境內矣

大厯中陷於吐蕃宋景德中地屬西夏曰威福軍

方輿

紀要曰夏人嘗

立威福軍於此元爲亦集乃路屬甘肅行中書省

秋濤

按元史地理志亦集乃路在甘州東北一千五百里城
東北有大澤西北俱接沙磧乃漢居延故城元至元二
十三年立亦集乃路通鑑輯覽元順帝至正十五年初
安置托克托於淮安既又移額齊訥路注額齊訥舊作
亦集乃今改方輿紀要肅州北有漢居延城元額齊訥
路治此一統志引舊志云肅州衛城極北有北大路元
時爲往來通道久廢轍迹猶存秋濤按此通道當卽明
山肅州北至額齊訥路又北度漠至和林之通衢也
爲甘州肅州二衛邊外地

補註

五年馮勝至蘭州遣副將軍

傅友德前驅再敗元兵。下亦集乃路。一統志。王保保在
和林。明太祖屢招之。不報。洪武五年。命徐達、李文忠、馮
勝分三路伐之。勝軍至亦集乃。原一旗札薩克多羅貝勒
乃路元岐王朵兒只班遁去。

游牧系出翁罕。翁罕六世孫曰瑪哈齊蒙克。有子二。其

長曰貝果鄂爾勒克。貝果鄂爾勒克之曾孫曰書庫爾

岱青。第四子曰納木策稜。是生納札爾瑪穆特。爲土爾

扈特部阿玉奇汗族弟。阿玉奇汗游牧額濟勒河。詳見

土爾扈特總敘地逼俄羅斯及準噶爾。康熙四十三年。

詔封納札爾瑪穆特之子阿喇布珠爾爲固山貝子。

賜牧色爾騰。

原註穆按水道提綱布隆吉河西北
豬爲巨澤曰哈勒池。色爾騰海在哈

勒池西南二百餘里。其水南出雪山之陰。西北流。豬爲
澤。福。秋。溝。拔。色。爾。騰。亦。名。黨。色。爾。騰。一。統。志。土。爾。古。

蒙古游牧記十六爾扈特

特國王阿柱奇弟阿拉布珠兒自西藏還不能歸內屬
封貝子令居嘉峪關外黨色爾騰之地卽此事蓋因其
地界在黨河色爾騰海之間故有此名志又云色爾騰
海在沙州衛西南三百餘里爲青海要道又蘇賴河亦
名布隆吉河發源靖逆衛南山白昌馬河北流轉而西
經柳溝衛北爲蘇賴河又西經安西衛北三里又西經
沙州衛西北黨河自南來注之又西流三百里許豬爲
哈勒池其流長七百餘里池方數十里卽古南籍端水
也三衛屯田俱藉此水灌溉黨河亦名西勒哈金河發
源沙州衛東南山中北流二三百餘里折西流會南來之
一水又折北流遶沙州舊城之東新城之西流百餘里
入蘇賴河卽古氏置水也按哈拉譯言黑色故臨川李
侍郎綬指爲雍州黑水水道提綱亦存其說安西衛今
改爲州沙州衛今改爲敦煌縣並省柳溝衛入焉靖逆
衛今亦省入玉門縣色爾騰海之西有噶順池又有一
澤名小色爾騰海地皆在嘉峪關外故就近賜
牧所以安遠人也又按土爾扈特卽土爾扈特阿柱奇
卽阿玉奇阿拉布珠兒卽阿拉布珠爾皆譯字偶異耳
阿喇布珠爾實阿玉奇弟誤也先是阿喇布珠爾嘗假道
一統志以爲阿玉奇弟誤也

準噶爾謁達賴喇嘛既而阿玉奇與準噶爾酋策妄阿喇布坦脩怨阿喇布珠爾自唐古特還以準噶爾道梗畱嘉峪關外遣使至京師乞內屬上憫其無

歸故有是

命使轄其眾

補注五十二年土爾扈特汗阿玉奇遣使假道

俄羅斯表貢方物

勅往是年夏啟行五十年始至薩喇托什

蓋土爾扈特與俄羅斯界也阿玉奇復遣台吉宰桑等導至拂慮我使長

爾已賜得優養欲遣歸爾牧以策妄阿喇布坦

惡爾恐戕之而詭以哈薩克哈喇爾榜為辭也爾若欲令阿喇布珠爾歸當自俄羅斯來迎阿玉奇曰俄羅

斯乃嗜欲不同言語不通之區也若以往來數故不假

我道則我無由入中國矣阿喇布珠爾幸為瑪穆特亦

臣僕請勿遣歸時阿喇布珠爾之父納札爾瑪穆特亦

贈我使馬及方物我使以入境無私交辭阿玉奇待之

有隆禮畱旬餘筵宴不絕復附表奏謝五十四年春圖

麗琛等始復

命按藩部要略載此事首尾又云

五十二年遣使齎

勅往諭阿玉奇令迎阿喇布

珠爾歸云云石州曰此條不應專系之五十二年觀異

域錄自明秋濤按圖麗琛等奉使往返已閱四年中間

別無使命此卽一事而

補五十五年阿喇布珠爾奏請

要略誤分爲二條耳

見下

從軍効力

詔率兵五百駐噶斯

補注

原旋卒

子丹忠襲雍正七年來朝晉封多羅貝勒九年以色爾

騰牧通噶斯之察罕齊老圖

補注

秋濤按色爾騰海之

阿集格色爾騰水卽小色爾騰海也周圍百六十里又

西二百里有察罕齊老圖六池蒙古語察罕白色齊老

石也圖有地多白石以名其池焉六池錯列如星宿

當極三十九度四分西二十四度又西有哈達圖水又

西爲噶斯淖爾去羅布淖爾二百里蒙古語噶斯地名

卽以爲池水名康熙雍正年間西域全境未入版圖以

噶斯爲屯兵戍守要地藩部要略云康熙五十四年準

噶爾敗運議撤噶斯駐防兵以青海貝勒達顏所屬台

吉等游牧柴達木通噶斯之察罕齊老圖遺侍衛等駐

其地偵準噶爾蹤五十五年三月詔青海貝勒

朋素克旺札勒台吉達顏各選兵百屯噶斯路防準噶

爾賊五十六年達顏奏請增設噶斯兵防準噶爾

上避其言以西安兵二千西甯兵一千益之雍正元

年青海羅卜藏丹津叛副將軍阿拉納白土魯蕃馳赴

噶斯斷由穆魯烏蘇往藏路二年叛黨吹喇克諾木齊

等通噶斯岳鍾琪奉命進剿遣西甯總兵黃喜

林由西爾哈羅色赴柴達木斷噶斯路七年王大

議噶斯為準噶爾通青海及唐古特要隘請選青海札

薩克兵千五百分屯噶斯及柴達木得卜特爾察罕烏

蘇諸路允之乾隆二十三年大軍剿馬哈沁偵沙拉斯

瑪呼斯賊窟呼爾塔克羅卜諾爾以地近噶斯通青海

復遣識噶斯道者偵賊蹤一統志踏實堡在柳溝衛西

南一百五十里其西南一百里有巴圖墩二百里有石

堡城通雪山後要路有兵戍守自石堡城而南五十

至三道宮皂河又二百五十里至額爾得尼布喇有

路一西南至烏拉打板五十里其間山徑崎嶇為青海

諸夷往來要路自烏喇打板西南至大小柴達馬鹽池

通衢斯大路最為衝要秋濤按合考諸書足知噶斯為

形勝之地漢時通西域有南北二路噶斯即南路之咽喉也

察罕齊老圖亦作插漢七老圖甘肅通志沙州外

境西北有二路一路自葫蘆斯太西南七百三十里至

衣松插漢七老圖當孔道西通伊犁塔里母河南通西

海等處其間一千餘里有水草無夷人住牧此西路也

又正南一路自衛一百八十里至黨城白黨城東南至

額爾得泥布喇六百里有水艸亦無夷人住牧西通色

爾騰西南通阿魯大小柴達木鹽池郭必衣松插漢七

巴顏布喇在沙州衛西南一百二十里通衣松插漢七

老圖及黨色爾騰懼準噶爾掠乞內徙補注藩部要略

柴打木之要路補注陝西總督查郎阿合攜戚屬

爾濟者丹忠屬也亦叛附補注陝西總督查郎阿合攜戚屬

準噶爾丹忠懼乞內徙補注陝西總督查郎阿合攜戚屬

游牧阿拉克山補注秋濤按阿拉善之龍頭山亦名阿

爾山在黃河岸東碧柳圖山之陽與圖作阿拉克沙爾

山距色爾騰甚遠必非一地考水道提綱嘉峪關外有

阿拉克池當是附近阿勒坦補注秋濤按此與西北阿

之山與池同名也補注爾泰山一作阿勒坦者不

同一統志青海有阿爾坦山在西甯邊外東北九十里
山脈東趨北川抵浩靈水俗云此山出金昔有番人開

取故名觀此知凡出金特卜什等處尋定牧額濟內河

之地皆可名阿勒坦矣補注秋濤按額濟內今作額濟納額齊訥舊作亦集乃

厄兒饒厄金餒額濟餘徐星伯先生云蒙古語額齊納

幽隱也明一統志張掖河在陝西行都司城西十里源

出擺運川流逕祁連山西出合黎山名合黎水流入亦

集乃界行都司志張掖河原名黑河自鎮城西南山流

出逕祁連山積雪消融其流益盛傍合黎山出羌谷口

北入亦集乃界大清一統志厄濟納河在西套厄

魯特旗西界又弱水源出山丹縣西南自與張掖河合

其下通名爲張掖河又討來河發源肅州西南五百餘

里番界中有三派最西曰討來河其西又有哈土巴爾

呼河北流百餘里與討來河合又東北百餘里南有巴
哈額濟餒二河分流二百里許合流又北數十里與討
來河會爲一又東北流二百餘里入邊饒州南至州東
北合西來之水又東北出邊過金塔寺稍折而北又轉
東與張掖河合又北五百餘里入居延海按山丹張掖
之水卽禹貢弱水討來河今會典圖作招賴河卽漢志

卷之五 字文己下 額濟納土七

之呼釐水自與額濟納河會合而其下流之出邊牆外者遂通稱額濟納河禹貢錐指云弱水水經不言所出桑欽以爲出張掖刪丹縣鄭康成曰衆水東流此獨西流而水經注無之其所經入不可得而詳也趙氏一清云按史記索隱曰水經曰弱水出張掖山丹縣西北至酒泉會水縣入合黎山腹漢志張掖郡刪丹縣桑欽以爲弱水自此而西至酒泉合黎卽是小司馬所引之文是唐時尚有弱水篇今本盡失之耳張守節正義亦云合黎水出臨松縣東而北流逕張掖故城下又北流至縣北二十三里合弱水弱水自合黎山折而北流逕沙磧之西入居延澤行千五百里又漢志金城郡臨羌縣下云有弱水說文曰弱水自張掖刪丹西至酒泉合黎餘波入於流沙觀此則弱水之原委約畧可得矣水經又云流沙地在張掖居延縣東北注曰居延澤在其故城東北尙書所謂流沙者也形如月生五日弱水入流沙流沙與水流行也元和志居延海卽居延澤其沙風吹流行故曰流沙合觀諸說皆以居延卽爲禹貢之流沙矣又按孔氏尙書正義云按鄭道元水經黑水出張掖山南流至燉煌過三危山南流入於南海胡氏謂曰案山海經灌湘之山又東五百里曰籬山黑

水出焉而南流注於海雞山不知在何郡郭璞無注而
孔疏引水經以爲出張掖之雞山檢今本無此文蓋其
書有散逸耳太平御覽引張掖記曰黑水出縣界雞山
亦名元圃昔有城氏女簡狄浴於元邱之水卽黑水也
據此則雞山當在甘肅張掖縣界漢爲滕得縣地今陝
西甘肅州衛西有張掖河卽古羌谷水出羌中北流爲張
掖河合弱水東北入居延海俗謂之黑河此水並不經
三危入南海安得以此爲禹貢之黑水也秋濤按此黑
河下流入居延海仍是弱水所匯之一川耳水經中今
闕黑水篇孔疏所引亦未足爲據也西域水道記曰
說文作弱水爲正字禹貢作弱水爲假借字今謂之黑
河又曰張掖河後儒不知本爲一河分張掖河當禹貢
之弱水黑河當禹貢之黑水誤矣禹貢雖指言弱水原
委甚詳且正程大昌以條支媯水爲弱水之訛惟附會
後漢書東夷傳及晉書唐書之文謂弱水自居延東北
流歷夫餘挹婁而歸東海者亦誤秋濤按夫餘挹婁之
弱水以地理診之卽東海之窩集也前人未有知其所
在者秋濤別有考辨茲不具載水道記又曰江氏永
羣經補義以梁州黑水爲今金沙江雍州黑水爲今肅
州黑水言其自沙漠中南流經黑山下南合白水紅水

又西南流入臨羌爲青海之上源青海卽西海禹貢導
黑水至於三危入於南海南爲西字之鴛松按江氏所
指蓋謂今張掖河也源出甘肅府城西南東北流至府
城西二十里折而西北流復西北經高臺縣鹽池驛北
與洮賴河匯而入額齊訥青海在甘肅正南豈能北流
入之乎又謂西海流至積石入黃河其謬尤不可枚舉
秋濤按肅州境有二黑水其一卽張掖河別名黑河其
一黑水在州西北一百二十里原出黑水泉合晴水清
水在州北五十里東流入討來河又有白水源出南山
南二十里下合紅水紅水在州東南三十里源出南山
北流合白水至下古城東南入討來河是紅白黑三水
皆匯於討來河下流仍與張掖河合乃弱水所合之一
小水江氏誤認爲禹貢黑水且謬指北流爲南流若流
入臨羌爲青海上源之說志乘不載乃江氏臆增尤爲
紕繆之甚者崖伯先生仍引張掖河以辨之尙未洞見
其癥結也至塞外得水謂之海乃後世俗稱如河北得
水皆名爲河江西南得水皆名爲江禹貢必無此假借之
名至青海一名西海不過一小水藪澤而欲改竄經文
以就己說多見其不知量也青海所匯各水惟喀喇細
納河源流長三百五十餘里是爲最鉅並不在肅州境

亦不與黃河通附記以祛讀者之惑乾隆五年丹忠卒子羅卜藏達爾札

襲十八年授札薩克三十二年卒子旺札勒車凌襲四

十八年

詔世襲罔替

領一

牧地

與國旗地在

素廓克鄂橢之南東臨昆都倫河以地形診之蓋卽漢居延故城元亦集乃路所治也唐地理志張掖河西北出合黎山峽口傍河東瑞屈曲東北行千里有甯寇軍故同城守捉也軍東北有居延海又北三百里有花門山堡又東北千里至回鶻衙帳據此則甯寇軍當亦在旗境又旗境有掃林山禹貢錐指云明焉勝拔肅州進至掃林山亦集乃路卽此有別篤山今日畢道山明紀綱目洪武五年副將軍傅友德下額齊訥路次別篤山元岐王多爾濟巴勒通去獲其平章呂嘉努等二跨昆十七人明紀事本末作別篤山蓋字形相近而誤居延都倫河補註會典圖說額濟訥舊土爾扈特旗在居延濟訥旗分二道匯爲澤俱日居延海水道提綱山丹水卽古弱水源出山丹衛西南窮石山東北流百餘里經

馬營墩西又北流五十里經永固城西又北二十里經
洪水營東折西北流百二十里至甘州東南境有水東
自長城外山西南流入城經山丹營及通遠堡南而西
注之又西北經州北境又西北有張掖河自西南來會
卽古羌谷水也又西北百里至平川堡南撫夷堡北循
長城下而北至高臺堡西北有一水西南自紅崖堡從
仁堡南山二源合而北流注之又循長城下而西北經
定安黑泉花牆深溝四堡之東又北至鎮夷堡西北當
城斷處出邊又北三百里至衛公營東北地有肅州二
水自西南東北流經金塔寺營而北來會之肅州二水
一曰卯來河源出肅州邊外青海西北境有三源東源
曰厄几餒必拉出放什西山之南西北流中源曰巴東
必拉出朱魯懇達山北麓二澗北流而合西源最大而
遠曰滔來必拉曰哈土巴爾呼必拉東北流而合流數
百里始與二源水會東北流又東合一水又東北經重
山人肅州南邊經卯來堡曰卯來河又東北經州西北境
境又東北有河西南白嘉峪關外東北當西長城斷處
來注之又東北至古城堡南臨水堡北折正北流于人
出邊東北流經金塔寺營西北又東北折東北流至
總呼滔來必拉經嘉營西火燒屯東又北折東北流至

衛公營北又東北會山丹水二流既合又東北經花牆

鎮驛北土入日厄余餒必拉又東北至毛母西折西北

折經雙城西又折東北流經平所驛沙馬營西又西北

來注之又北為二巨澤西北日索廓克鄂模池周九十

里其東北日索博鄂模池周六十餘里即古居延海也

秋濤按據齊侍郎書以昆都倫水自東北來注於厄金

餒必拉是昆都倫乃塞外一小水源流甚短而會典圖

說則以額濟納河自肅州北流者概東至古爾爾原

日為坤都倫河二說不同未詳孰是

拉善旗異補注秋濤按旗東有威遠故城唐地理志肅

州有酒泉威遠二守捉城肅鎮志威遠城在衛東北三

百八十里明初立為所後廢其地有旗杆山即當時立

旗招撫叛民處又旗東境有澤日大苦水南直甘肅張

掖縣邊外大苦水之東有二澤日驢馬湖湖東南有澤

日沙棗湖亦日沙棗泉在肅州東北二百三十里金塔

寺北一百七十里沙棗湖之東直山丹縣邊南至毛目

外有澤日豐盈大泉以上諸澤俱瀦於沙

縣丞民地原注接高臺縣及肅州邊外地界原注秋濤

卷一百一十一 額濟納土十

志北都尉治偃水障東部都尉治東部障後漢晉因
之關驪曰衆水所會故名後魏廢秋濤按西域圖志以
會水縣在安西州與一統志不同按一統志據史記素
隱所言以弱水西北至會水縣入合黎山腹以此證之
則會水縣宜在肅州北額濟納旗南不得如西域圖志
所云也又有成虜城明初置威虜衛尋廢嘉靖七年番
夷牙木蘭等內附巡撫唐澤議於肅州迤北境外威虜
舊城及天倉墩毛目城白城子等地散處其眾二十八
年巡撫楊博檄副使王儀等修威虜並金塔寺古城
添置白煙墩等城堡凡七墩台十有二安置番帳七百
餘所肅鎮志威虜城在衛東北一百三十里又白城子
在衛東北一百二十里今皆廢金塔寺城在衛東北六
十里今爲堡城周一百九十里明時墩軍呼爲鬼門關其西十
在堡東北二百六十里明時墩軍呼爲鬼門關其西十
里有夜摸墩皆戍守處也毛目城周二里在鎮夷城北
一一百五十里今設縣丞駐之以理民事水道提綱作毛
母又有平朔城在鎮夷城北二百二十里亦周二里與
毛目城相傳皆元時守禦又有古連城在鎮夷城北一
百八十里又有黑山屹立沙漠中一名紫塞南至西至
肅州一百八十里其山口東南至州一百四十里西至

大戈壁

濟納至哈密為通哈密驛路

秋濤按自額

北為巴里坤地疑即古蒲類澤一統志漢趙充國以本

始二年為蒲類將軍出酒泉期山塞二千里當與烏孫

合擊匈奴於蒲類澤是蒲類澤去酒泉二千里也充國

出塞千八百里西去候山斬首捕虜而還是不及蒲類

澤尚二百里也計今自肅州抵哈密之天山千七百里

道里亦頗相合然則額濟納西踰戈壁即漢時趙充國

西征之故道矣又按哈密距京師七千一百八十里

距蘭州省城三千五百里在安西州城西北八百七十

里城二舊城周四里康熙五十六年建新城周里許雍

正五年建二城皆北倚大山三而平曠所居回民以耕

牧射獵為生田疇沃衍氣候溫暖泉甘土肥引渠溉田

號稱殷庶城外東西兩關地當孔道商民輻輳西南通

吐魯番為天山南路之咽喉北通巴里坤為天山北路

之衝要兼扼兩路最為西陲重地其地於漢屬匈奴統

伊吾盧後漢時始為伊吾魏入蠕蠕隋置伊吾郡

旋屬突厥唐置西州改伊州五代時號胡盧積宋入

同歸元為威武王分鎮之地明設哈密衛後北至阿濟

入土爾番國朝康熙三十六年始內屬

山 濟山在戈壁中又謂之北套一統志自哈密北踰天山

亦日阿濟山脈自西北阿爾泰山南來蜿蜒東趨橫

帶翰海中起伏不斷為喀爾喀東南至合黎山

西路之南境其長殆三四千里按旗東南有合黎山即禹

張掖山丹二縣界也秋濤山在酒泉會水縣東北注

貢弱水所經也水經云合離山在張掖縣西北二百里行

以為即合黎山史記正義山在張掖縣西北二百里與黑

都司志云在高山所北十里鎮夷所東北三十里與黑

山相接黑山在鎮夷所東北二十里西陲今略合黎西

山起山丹石硤至於鎮夷延長三百餘里其山產茶西

南至戈壁 吉乾 隴 府 州 縣 圖 志 云 玉 門 縣 界 洪 亮

蒙古衙地後廢本朝康熙五十七年復置赤金衛雍

正四年裁衙地屬靖逆廳乾隆二十四年仍改置玉門

縣省靖逆廳入焉秋濤按蘇履吉燉煌縣志云乾隆二

十五年改靖逆衛為玉門縣赤金裁歸玉門與洪氏說

異蘇氏歷官安西見問較確當從縣志為正舊赤金衛

東有惠回堡堡北寬臺山後柳灣西北驕馬城俱通崑

都倫要路有墩兵瞭守又舊靖逆廟北地名布魯兒東亦路通崑都倫為戍守要地崑都倫即昆都倫河也

北至大戈壁原在按旗東北有狼心山在金塔寺堡北六百

里南去鎮夷所城五百里為往來要路又有孤紅山在

金塔寺堡東北三百五十里凡往來哈密北山者必聚

於西北至大戈壁原在巴里坤漢類國地本名巴爾庫勒

譯曰巴里坤至京師七千五百餘里新疆職畧巴里

坤在肅州西北一千七百九十里與哈密以天山為界

山陽為哈密山陰為巴里坤東門外有漢永和三年燧

煌太守裴岑紀功碑天山之顛有唐貞觀十四年姜行

本紀功碑蓋自古戰守扼要之地原在秋濤按巴里坤

今為鎮西府距京師七千五百里距哈密三百三

十里南界天山西隱平岡西北有巴爾庫勒河入大澤

水氣浸潤庶草繁廡地宜畜牧居天山之陰氣候多寒

正三年始撤七年大軍復駐焉九年築巴爾庫勒城周

八里十三年撤大兵改設駐防初以安西同知駐防其

蒙古游牧記十六額濟納土土

地乾隆三十八年置鎮西府以巴爾庫勒城爲府治並
設宜禾縣與府同治城內有文廟城隍廟城西南有龍
王廟城東有城周六里爲滿洲兵弁駐防之所西北三
里別建關帝廟廟前有裴岑碑國志云宜禾縣東南至
南山口二百五十里東北至鹽池百六十里西至焉順
三百四十里南至天山十里北至三塘一百六十里秋
濤又按安西州東一百六十里爲故柳溝衛城柳溝堡
在柳溝衛東七十五里又北一百二十里至木龍泉又
一百三十里至伊克衣馬幹古墩又二百四十里至鐵
布什古墩地多沙磧間有水草路通北套阿濟山及巴
里坤又柳溝北五十里日邊牆頭墩正北至壘墩子一
百四十里又入十里至石板墩八十里至白墩子二百
十里至金溝磧一百二十里至鏡兒泉其間多沙磧所部
磧間有水草通北套阿濟山巴里坤哈密要路

以來歸先故亦稱舊土爾扈特不設盟長

布勒罕河新土爾扈特蒙古青色特啟勒圖盟游牧

所在

標題秋濤
依例補

原新土爾扈特部在科布多城西南至京師七千餘里

補元初爲乃蠻國太祖滅之後爲和林行省所屬地明屬衛拉特本朝旣平噶爾丹於科布多設屯田駐大兵地當孔道乾隆間始賜新土爾扈特爲牧地

原初土爾扈特族皆徙牧額濟勒河與準噶爾絕翁罕

十四世孫舍稜

補藩部要略舍稜者衛

獨率諸昆弟

附牧伊犁境爲準噶爾屬台吉大軍征準噶爾獲達瓦

齊阿睦爾撒納等以叛相次誅滅舍稜獨抗不降竄匿

庫克烏蘇喀喇塔拉境

補藩部要略乾隆二十二年

牧準噶爾乘阿逆叛擾伊犁境巴爾圖烏巴什爲大軍所逼走死舍稜詭乞降竄俄羅斯尋歸土爾扈特牧秋

濤按舍稜之竄俄羅斯歸土爾扈特牧係二十三年之事要略於二十二年彙括言之而二十三年所載尤爲詳乾隆二十三年

詔定邊將軍成衮札布副將

軍兆惠馳剿之舍稜謀奔俄羅斯我軍尾及之於布什

古河源射擒其從弟勞章札布舍稜乃詭約降計戕我

副都統唐喀祿馳踰喀喇瑪嶺歸額濟勒土爾扈特牧

圖 藩部要略阿睦爾撒納走死其從逆之綽和爾烏喇特昂吉岱等附巴圖爾烏巴什竄伏沙拉伯勒汝多克布庫察罕等復附舍稜匿庫克烏蘇喀喇塔拉境至是成奏札布兆惠等馳剿巴爾圖烏巴什竄哈薩克病瘥死舍稜竄博羅塔拉道遇哈薩克遊騎與交兵間大軍適馳走道圖托羅海將爲奔俄羅斯計先使往哈薩克要而殺之舍稜復間道赴阿固爾爾海副都統唐喀祿偕厄魯特散秩大臣和碩齊以兵尾之抵布古什河源有巴爾呼卒都圖者射舍稜從弟勞章札布仆擒之舍稜詭服罪請釋其弟乃降唐喀祿曰是不可信將

以兵捨舍稜和碩齊曰不若使招降稱勞章札布歸越
日舍稜遣三宰桑至軍約往受降唐喀祿愈疑之和碩
齊曰彼畏我軍威故不敢至盍往洵問強唐喀祿行策
馬渡河還舍稜營令從者皆下馬解裝健舍稜遣使以
酒至和碩齊飲之急起入舍稜營唐喀祿立而待適時
和碩齊不返舍稜遣賊眾二千詭攜駝馬迎我軍甫次
河岸輒旋擊營中賊悉起唐喀祿死之和碩齊易服入
賊隊後就擒論罪誅舍稜馳諭喀喇瑪嶺遣使俄羅斯
爲所驚問道赴土爾扈特俄羅斯羅諸森博羅特圖喇
巴什子沙喇扣肩亦從往焉初我使與俄羅斯定議不
納道逃人至是諭理藩院徵俄羅斯以舍稜獻舍稜懼
由俄羅斯歸三十六年復唆其汗渥巴錫來搶伊犁抵
土爾扈特牧三十六年復唆其汗渥巴錫來搶伊犁抵
他木哈補注福慶異域竹枝詞注伊犁惠遠城西南七
百餘里曰他木哈山其西皆布魯特界秋濤按
他木哈一作沙拉伯勒伊犁西路喀倫也俞氏正變曰
渥巴錫爲舍稜所愚妄思復伊犁舊牧傾國東徙爲哈
薩克所掠逼入沙漠繞巴爾噶什泊自三十五年十一
月啟行至三十六年六月杪始至伊犁之沙拉伯勒界

蒙古游牧記十六 土爾扈特

狼頂飢渴道殣相望種類幾致覆滅乃決計內附云秋
濤按巴爾噶什泊周圍八百餘里伊犁全河經流千里
合各小水並注此泊蓋知內備固計無所出不得已隨
準部西北境最大澤也

渥巴錫歸順

補注

要略云廷臣議舍稜負罪竄不可信且當追論前罪不宜與諸台吉同納其降

之將窮無所歸且新降諸台吉或滋疑懼俟來朝執而

罪之非所以示信遠人也

詔宥行

賜牧布

舍稜罪與渥巴錫同入覲

補注今圖作布爾干注見下秋濤按松文清公

勒罕河綏服紀畧近科布多之阿勒台游牧住郡王一

貝子一按其所言即舍稜沙喇扣官也而地名爲阿勒台蓋舉水名則爲布勒罕舉山名則爲阿勒台阿勒合

即金山也西域水道記云舍稜復來設札薩克二日新歸授牧布拉干河河源爲其避暑處

右旗札薩克多羅弼里克圖郡王游牧舍稜之入

覲也譜首請罪

上宥之封今爵

補注冊文曰鴻圖

襲慶聲靈昭無外之模末微希光節賞布大公之治苟
向風慕義知悉臣悉主之攸歸斯紀續銘勲俾分土分
民之有屬爾舍稜殷懷北闕表望西陲託羅剌以彌年
情由避罪發泰濼而覲日志切輸誠雖舉部傾心爾木
識時之俊而款關內面朕庸請命之從選水草而攻駢
配方旗而建隼仙莊引隊紫絲白馬之榮屬國編名青
岱黃河之誓茲以冊印封爾為郡王於戲朔書徧奉遐
荒瞻賜社之新黃教長流奕世拜析圭之寵益勤精白
永享昇平
賜弼哩克圖號
先是杜爾伯特台
平欽哉
爾齊斯與舍稜識比來歸投親王爵至是以年班入
覲行圍舍稜見之握手歡語移時誓
世為天朝臣僕
三十七年授新土爾扈特盟長轄左翼旗務

賜札薩克印四十八年

詔世襲罔替

佐領一
七年以病罷子策伯克札布襲爵
新左旗札薩克固

山烏察喇勒圖貝子游牧舍稜從子沙喇扣爾父巴圖

爾烏巴什爲準噶爾台吉噶爾丹策零婿已見前乾隆

二十三年沙喇扣貝從舍稜竄奔額濟勒河三十六年

來降封今爵詰命文曰殊方慕化特詳柔

朝之誼史載借垂分茅頒社之榮國恩罔替爾沙拉扣

糧之不絕遂隊西徠甫草從圍備睹維郊車施蓼蕭命

錫之誥命於戲効藩受寵和風回羣幕之溫開

賜烏察喇勒圖號三十七年授副盟長轄右翼旗務

賜印原註沙喇扣貝尋借年班台吉入御製詩紀之四十年來朝

錾木蘭行圍次額爾袞漢蒙古謂寬敞爲額爾

袞每歲蒙古札薩克等扈駕至此輒進宴陳詐

馬榜什諸戲時大軍剿促逆番克勒烏圍賊巢捷奏

至沙喇扣貝等將進裏集和門外舞蹈稱慶

以額爾袞巴雅爾名其地蒙古四十八年詔世襲

古謂喜為巴雅爾志慶也

罔替原佐補牧地通集集眾千餘赴湖圖斯拉私開金

礦且昭舍稜屬人額爾齊斯雅拉拜等給駝馬為助烏

魯木齊都統海祿聞之以兵往徽所部助討礦徒悉就

擒事聞上以湖圖斯拉當金山南烏隆古河之

通舍稜牧認永遠封禁當金山南烏隆古河之

東原會典圖說烏龍古河二源東日布爾干河西日

水南流經札哈沁旗東南流青吉斯河出新土爾扈特

旗北合哈拉泊水西南流合哈爾察克河又東南與布

爾干河合為烏隆古河折西流經阿爾泰烏梁海旗

為赫薩爾巴什泊元秘史成吉思與王罕征乃蠻種

的古出古悖不亦魯黑時不亦魯黑在兀魯黑塔黑地

面慎豁黑水行成吉思與王罕到了不亦魯黑不能對

陣起過阿勒台山去了追至忽木升吉見地面兀龍古

河行遇著不亦魯黑來哨的官人也迪土小魯黑被威

吉思出哨的趕上山去拿住又追至乞濕勒巴失海子

行不亦魯黑遂窮促了穆萊兀龍古即烏隆古乞濕勒

蒙古游牧記十六 布勒罕河土

巴失海子。卽赫薩爾巴什泊。然則不亦魯黑所在之兀魯黑塔黑地面。揜豁黑水行爲科布多北之烏里雅蘇

台河。阿勒台山陰乃蠻故國也。補注康熙二十七年。噶

爾丹掠喀爾喀。札薩克圖汗部黑德卓哩克圖族。潰奔

青海。四十三年。自青海歸授一等台吉。賜牧阿

爾台額爾齊斯烏隴貴界。至其子通謨克嗣職。以功封

輔國公。雍正元年。準噶爾首大策凌惇多卜等。由阿濟

掠通談克游牧十年。詔移其衆於阿拉善。原注

阿克敦再使準噶爾奏。臣等言。旣遵旨。在阿爾

泰山陽游牧。自應從索爾綏以上。花額爾齊斯。哈拉額

爾齊斯。烏龍。歸河邊地。俱寬闊。何容奔入烏容。齊博東

齊從前。我之游兵。尙逾烏容。齊博東。齊以至布爾汗察

汗。托回等處。補注秋濤按。烏隴貴。卽烏龍。歸河旁之地。

以河爲名。烏龍。歸河。卽烏隴古河也。藩部要略。乾隆二

十八年八月十九日。阿睦爾撒納。行至烏隴古河。距其

牧札布堪河近。乃詭言。暫歸治裝。以副將軍印。交額森

沁。多爾濟。使先行。遂由額爾齊斯河。問道北逸。東至奔

卽此地也。札爾堪河。今圖謂之札爾噶河矣。

巴圖。捫楚克烏蘭。布勒幹和碩。原注接新南。至胡圖斯

和碩。特界南。至胡圖斯。

山烏隴古河

原注踰戈壁接古城界西城釋地古城唐北庭都護府所領之地其時金滿輪台蒲

類海西四縣皆隸北庭都護此為何時所遺之城不可

考祇以古城名之至京師八千一百餘里補注紀文

達公昀槐西雜志云特納格爾為唐金滿縣地尚有殘

碑吉木薩有唐北庭都護府故城則李衛公所築也周

四十七里皆以土壘成每壘厚一尺闊一尺五六寸長

二尺七八寸舊瓦亦廣尺餘長一尺五六寸城中一寺

亦圯盡石佛自腰以下陷入土猶高七八尺鐵鐘一高

出人頭四圍皆有銘鏤濕模物一字不可辨議惟刮視

字稜柏其波磔似是八分書耳城中皆黑煤掘一二尺

乃見土額魯特云此城昔以火攻陷四面駭臺即攻城

時所築其為何代何人則不能言之蓋在準噶爾前矣

城東南山岡上一小城與大城若相犄角額魯特云以

此一城阻礙攻之不克乃以礮攻也庚寅冬烏魯木齊

提督標增設後營余與永餘齋奉檄籌畫駐兵地萬山

叢雜議數日未定余謂餘齋曰李衛公相度地形定勝

我輩其所建城必名破城大學士溫公為改此名其城

即今古城營也本名破城大學士溫公為改此名其城

古人真不可及矣。褚筠心學士修西域圖志時就訪古
 迹偶忘語此。今附識之。秋濤按永慶號餘齋乾隆三十
 七年為迪化城督糧道。後官至湖北布政使。又按西域
 圖志云古城在奇臺縣治西北九十里。由奇臺塘至古
 城五十里。南北二城南城中。有萬壽宮闕帝廟。城
 西有牛圈泉。乾隆四十年駐防大臣索諾穆策凌於其
 地得唐時殘碑石二方。有金滿縣令等字。知古城為唐
 金滿地也。又按唐金滿縣應即漢車師後部金滿城地。
 漢時由車師前部北通後部。金滿城之路當在今阜康
 縣東境之濟木薩阜康東境與奇臺西境接。古城與濟
 木薩地木相屬。當為唐金滿縣東境。碑石原建處不必
 定在縣城也。據此則今奇臺之西境阜康之東境均當
 為金滿故地無疑。新疆議畧古城五十里至北道橋
 又百二十里至噶順又百六十里至蘇吉又九十里至
 鄂倫布拉克又五十里至察罕通古又九十里至布特哈
 喇腰站又百六十里至蘇圖又百二十里至沙斯海文
 里至博多渾又百六十里至蘇濟又百二十里至科布多
 西至清依勒河昌罕阿滿那彥鄂博。梁海界。補。秋濤。

按清依勒河即青吉斯
河又作青吉勒郭勒
北至綽和爾淖爾那郭幹淖爾

之中山泰烏梁海界東南至拜塔克山原注接札哈

按拜塔克地以山名其山在哈布塔克西青吉斯河南

岸由拜塔克西南行三百里至奇臺縣界唐時以沙陀

部為沙陀州此其故壤也又按奇臺縣隸鎮西府東距

府治六百九十里縣治東至噶順溝三百七十里接宜

禾縣界西至乾溝一百十里南至南山北至葦湖西域

平後於奇臺設堡有管糧通判駐此乾隆四十一年改

設奇臺縣城內有文廟關帝廟城西南有奇臺堡二又

南有龍口堡渠河出南山下環抱縣治及諸堡左右稍

東有英格泉出天山下北流奇臺堡北有奇臺壙此地

後漢為車師後部金滿城唐為金滿州又為金滿縣今

奇臺縣屬木壘以西迄於阜康縣境特訥格爾以東正

當今闕展古車師前部之北境應皆金滿地也金滿亦
作金滿未詳孰是又按阜康縣舊地名特訥格爾在迪
化州治東北二百里舊為準噶爾國爾古特部游牧地
入板圖後建阜康堡乾隆四十一年設縣隸迪化州縣
境東西三百十里東至得勒呼蘇臺接奇臺縣界西至

甘泉鋪接迪化州界南至天山北至葦湖漢烏貪訾離國舊壤當在縣境西南至烏蘭波木

源注接西北至綽和爾淖爾源注接阿爾東北至哈爾

古城界察克源注接阿爾泰烏梁所部二旗自爲一盟曰青色

特啟勒圖源注今作青隸科布多大臣兼轄歸定邊左

副將軍節制

哈爾察克新和碩特蒙古游牧所在標題秋濤
依例補

原新和碩特部在科布多城南至京師七千餘里二旗

札薩克一等台吉游牧先是和碩特台吉巴雅爾拉瑚

之族蒙袞源注世乾隆三十七年率屬來歸願附新土

爾扈特貝子沙喇扣冒之旗 詔封一等台吉賞

半佐領令其附居蒙袞卒子布彥克什克襲五十七年

沙喇扣肩殘害所屬下人事聞

命移於杜爾伯

特近處游牧

原注即今牧地

嘉慶元年科布多參贊大臣奏蒙

袞妻察彥率布彥克什克詣言所屬生齒日繁求給印
以資鈐轄
詔依杜爾伯特例給札薩克印不食

俸缺出請

原注

佐領一

牧地當金山東南哈爾察克

補注

秋濤按哈爾察克西域圖志作哈布塔克地以山

名在鎮西府西北四百里北六十里即布拉干郭勒河

補注

西臨青吉斯

南山北之地饒水草宜畜牧踰哈布塔

克至青吉勒郭勒舊為準噶爾東南界

補注

西臨青吉斯

河

補注秋濤按青吉勒河注見前水道提綱作布拉青

今會典與圖異未詳孰是

又案青吉斯為元太祖汗

號此河所會之烏隴古河既見於元秘史則此河當亦

因元太祖 **原東至和託鄂博** 原注 接札哈沁旗界 補注

得名也 托昂鄂博 準噶爾謂守喀人日札哈沁三信勇

公瑪木特初為連葛爾宰桑乾隆十九年大軍獲之

授內大臣其隨來之札哈沁即令統轄二十年從征達

瓦齊封三等信勇公阿逆誘使附已禡木特唾而數其

罪阿逆慚搯殺之事聞御製詩褒為烈士所遺

爵令其孫札木禡襲四十年札木禡卒以札哈沁原非

禡木特之阿爾巴圖撤出設一旗屬科布多參贊大臣

其札木禡族丁及其阿爾巴圖三十餘戶亦附近科布

多之烏裕克齊博多克齊游牧嘉慶五年札木禡之孫

托克托巴圖為總管地足百五十丁復編為一佐領即以

托克由德杜庫庫勒起至喀喇占和碩薩拉布拉克

巴爾嚕巴克止與喀爾喀連界東南界由巴爾嚕巴克

起至昂吉爾圖止與喀爾喀連界南界由昂吉爾圖起

至哈布塔克山止與巴爾庫勒連界西南界由哈布塔

克山起至和托昂鄂博止與土爾扈特和碩特連界西

梁海連界西北界由布爾干河起至浩賴僧庫爾都木

達僧庫爾惠圖僧庫爾之北山止與阿勒坦烏梁海連

界北界由惠圖僧庫爾起至土古里克止與喀爾喀屯

田兵官廠連界東北界由土古里克起至德杜庫庫圖

勒止與喀爾喀連界補注秋濤按札哈沁旗未設札薩

克故止附見於此不別立專條餘如呼倫貝爾諸蒙

古及各烏梁海之類皆仿此補注游牧記之通例也

至布勒幹原注接新土爾扈特界補注秋濤按新修

旁之地地以水名也亦作布爾干注見前又按朔漠方

略雍正九年八月傳爾丹奏言科布多修城處所當奇

爾及庫列圖二道要隘又逼近布拉罕大路且旁通阿

爾台小路處甚多實爲險要之地城加力修築令高一

丈合計築城共高一丈五尺周圍十有二里藩部要略

康熙五十九年將軍傅爾丹領八千人從布喇罕前進

襲擊準噶爾邊境所云布拉罕河濱產此故以爲名西

勒幹也準語謂紹爲布拉罕河濱產此故以爲名西

至捫楚克烏蘭原注接新土北至奔巴圖哈弼察克河

原注接阿爾泰烏梁海旗界補注秋濤按據會典輿圖

自哈弼察克以北爲科布多所屬喀爾喀官兵屯田地

其西爲額魯特旗游牧原注新修一統志科布多額魯
特部一旗東界由濟爾噶圖起沿布彥圖河西岸至
布古圖和碩止與喀爾喀屯田兵連界南界由布古圖
和碩起沿布彥圖河北岸至哈叻烏里雅蘇台止與喀
爾喀屯田兵連界西界由哈叻烏里雅蘇台起至都魯
淖爾止與阿勒坦烏梁海連界北界由都魯淖爾起至
書集克圖河止與阿勒坦烏梁海連界再由書集克圖
河起沿科布多河南岸至濟爾噶圖止與明阿特連
界攻此旗木台吉達木拜屬達木拜有罪削爵以其眾
屬科布多參贊大臣歸定邊左副將軍節制不設扎薩
克故附不設盟長隸科布多大臣兼轄
見於此

壽陽閭汝彌覆校